

四庫全書

集部

欽定四庫全書

震澤集卷三

明 王鏊 撰

詩

壬子校文南畿得詩十二首

楊柳青舟中見月

楊柳青前楊柳殘
南人北望思漫漫
從來共月菴前月
今夜蓬牕獨自看

淮口值風舟幾覆

舵折檣傾舟晏如風濤淮口戒心初跛行豈賴婁丞相
魚腹幾從楚大夫平地人於看處愕陰功神定暗中扶
道人無懼還無喜斜日船頭自曬書

過揚子江

燕南倦客江東去一見澄江眼為開紅日遠疑從地起
青山近欲傍人來中流擊楫空懷志南國持衡獨愧才
漸覺故鄉風物近十年一到思悠哉

宿龍潭驛

驛舊湓江危
甚今移向內

崩崖百丈俯驚湍未到先憂到却安夜枕江聲宜客夢
午窓山色任人看欲尋往事空題壁不廢公程且解鞍
眼底桑田與滄海人間得失浩漫漫

舟發龍潭驛

王氣東南日夜浮盡船十隻向神州山當好處如曾識
江到平時只似游兩岸人家從北固六朝事業付東流
天風莫送征帆急景物詩家要細收

觀音山

大江東畔小蓬山山下時魚近可扳蒼玉千年浮浩渺
白銀萬頃漱孱顏諸天眼見虛無裏一葉身驚出沒間
不是舟人無次第要將奇觀與人看

至金陵

白下秋風擢桂枝桂枝今日豈吾司鍾山宛宛行來見
淮水悠悠別後思平市烟花應我識前朝陵寢沒人知
道傍不用爭先覩便是當初赴試時

場中初九夜有感

複閣周垣深復深重門魚鑰夜沉沉海潮忽涌鷺聲動
山雨橫來筆陣侵鏡出秦樓憐我忝馬空冀野定誰任
悠悠淮水東邊月十九年前此夜心

中秋夜

未謂中秋今夕是外簾瓜果特多儀月侵屋入窺文卷
席趁簷斜閣酒卮豔魄不辭忙裏看新寒先報客中知
燕山海月同誰賞北望詩成有所思

鹿鳴宴

京城人馬簇如烟秋榜何人看獨先折桂也應懷此日
插花那復似當年網羅麟鳳東南盡坐應奎星上下聯
記得畫堂東畔席和家衣鉢定誰傳

朝孝陵

碧城睥睨斷山根山勢東來聳獨尊天上龍文成五彩
地中乾象應三垣平成萬世功思禹冠帶於今制改元
聖烈神謨三百冊小臣瞻拜復何言

陳朝舊城

江東天險天削成長江為塹山為城南朝天子慎封守
城外築城隨地形盤盤青山出復沒築城密補青山缺
龍潭起至金川門百里綿延城不絕青山四繞城四周
雁飛不過神鬼愁北兵縱健無羽翼禮樂兵刑何用修
益州樓船夜飛渡雖有金湯没人戍

歸省過太湖

十年塵土面一洗向清流山與人相見天將水共浮落
霞漁浦晚斜日橘林秋信美仍吾土如何不少留

歸自西洞庭阻風登鼇山絕頂

親朋挽衣留不住逆風舟向平灘駐灘頭寂寞誰與言
青鞵飛縱顛厓步鼇頭戴山山不崩東望東海西吳興
羣峯羅列七十二如拱如立如奔騰我行天下亦多矣
所至有山或無水其間有水却無山何處能兼山水美
蒼茫萬頃浮孱顏惟有海上三神山杳然可望不可到
不如此地日夕隨我往與還胡為十年纔一到風乎爾
知吾所好

將發阻風

晚發西山舟欲北
天風吹我復還家
十年一到非容易
獨立平原看稻花

將發阻雨

前日風相款
今朝雨特留
平生故鄉意
欲去更悠悠
秉之送至京口別去有詩和之

隔江相送望蕪城
四海悠悠見汝情
事觸悲歡心易醉
別牽南北夢先驚
日邊莫負看花約
湖上還尋種橘盟

惆悵金山一回首秋風獨作薊門行

又

相送不知遠直到江頭住遙遙一片心隨我江北去子
心在江北我心在江南身心不相謀日夕長酣酣

過長江

微風細浪平如席金山焦山纔咫尺羣山簇簇天際浮
點染長江好顏色

宿遷別安隱兄

年年積相思兄南弟在北一朝兄北來弟作南歸客弟
北兄復南草草途中見見時未交言船開激如箭

興濟阻風速沈方伯時賜飲

徹夜陰風河欲凍扁舟牢碇古河濱南飛坐羨帆歸疾
北上惟將夢去頻客路寒暄同是客人生行止豈由人
蓬牕孤悶憑誰破賴有江南麴米春

舟次直沽別沈方伯次其韻

好水好山吾已瀆況值秋風橘林綠南來十日謀北轅

不語岑岑怨林木使人行處何所為
廩人繼粟庖人肉
蓬牕閒寂却成愁恰似蘇子居無竹
其間文史豈不翻
無味紛紛成故牘家山回首頻入夢
欲去未能慙薄祿
德州城下斜月昏萬里河來失平陸
舟中夜靜聞吳音
驚問誰歟曰南牧心期乃是夙所親
倒屣過從忘僕僕
聯舟會晤迭主賓百里風帆岸相逐
自移畫省大江西
愷悌民間歌旱麓公餘亦不廢吟哦
歷歷詩書載其腹
高詞往往逼古人叉手而成如構宿
往年贈我石蘭篇

每向荆溪望林屋謂言他日片帆過便風徑訪愚公谷
世情多厭屈原醒宦路尤欺魏其禿多君佳句屢見投
過望平生非所卜天津橋下水留人去住人生有遲速
回思聯艦那可再食野呦呦怨鳴鹿夕陽沽水丁字流
白草茫茫人去獨

寄題拱北樓

紫微華蓋擁宸居拱北樓成勢有餘沽水繞城斜作字
人家濱海半為漁草間狐鼠收妖氣天上風雲賀寵除

記得泊舟衰草岸月明槐樹影踈踈

恭毅章公挽詞

六駢北狩塵不蒙秋槐深閉南城東瑤臺有月蝕蟬
沂國典冊移青宮中山誰復歌晨風桓桓章公血淚紅
一章獨上驚盲聾何言周昌叔孫通直欲下從龍逢翁
皇天后土昭至忠風雷激電陰霾濛當時直節誰並雄
前有廖莊後鍾同一朝海內日再中疏傳萬口聞天聰
擢少宗伯不為崇南邦宿留遂以終當時定策還自功

依然廊廟稱孤公

送薛金下第還江陰

河東三鳳不須奇
又見瑤林玉樹枝
桂子秋風真有種
杏花春雨豈無時
陸家莊好應誇我
和氏衣存欲付誰
江上幽亭人不到
青山相對了殘詩

送華景下第歸無錫

一語曾看決壅川
十年文思涌如泉
科名高訝居王後
鞭策加應在祖先
安定蘇湖吾偶爾
河汾房杜子其然

驚湖風月誰收管知抱遺經夜未眠

寄河南顧參議崇善二首

黃河萬里拍天來列郡仍聞水旱災今日漳濱誰史起
稻粱千頃變污萊

曾子何曾解殺人市中有虎未為真清時正是功名會
莫為吳山早乞身

苦熱

鬱蒸昔憎南愷爽近便北今年旱太甚萬里雲天絕展

簞趨樹陰短氣不能息渴鳥妄投林向人若求食吁嗟
六合內誰是清涼域唯當希靜勝庶以永今夕

喜雨

病身牕下兀然蘇屋溜幢幢勢若驅坐喜炎埃隨洗濯
立看生意上焦枯論功合有人調鼎受賜還同天雨珠
孤負明時無好策漫將詩句和童雱

時以久旱求言

又

無才甘遐遺因以靜自適長衢去馬蹊深巷來轍隔雨

餘草木長樹杪梨欲坼煩襟忽然醒如饗九鼎食新涼
不嫌貧於我亦有獲屏書去不觀兀坐面東壁水深蠅
欲鳴日入鳥還息為謝揚子雲無玄安取白

送盛進士應期歸娶吳中

終生文彩棄繻辰建業秋風擢桂新闕下杏花還屬子
召南桃葉正宜人上章許得天顏笑莫雁光生故里春
大小登科俱入手高堂況有黑頭親

送歐陽子履董廣東學政

其兄亦以副使董學政

六一風流殊未遠一門雙壁價能齊
超升同日司文柄洗濯多年出字溪
鳳沼揮毫奎宿逼羊城按節瘴雲低
朔南此去應漸被聲教行看到四黎

送人之南豐

文章星斗南豐在縣說南豐意嚮之
千里聞君當教邑後生文體更誰師

送吳編修克溫歸省宜興

玉堂退直幾相從茗盃薰鑪坐晏春
遠別芳洲生杜若

清詞秋水出芙蓉
交情淡愛周公瑾
宦况輕懷邵曼容
問罷起居還就道
渭陽雲樹思重重

送同年俞副使濬之四川兵備

控帶西南坐上游
安危須共主分憂
蜀人到老懷張詠
邊計從前仗武侯
地遠烏蠻耕更早
天高白帝鎮橫秋
雪山不見南來雁
書寄同年幾日收

送夏璟下第還江陰

家聲戚里流傳久
才氣科場挺出殊
自昔崑山誇片玉

一朝滄海得雙珠

其弟同登鄉薦

市中定價誰高下暗裏朱衣

信有無歸去江頭養神駿春風歷塊看過都

送白進士金歸省

才思瀾翻涌若潮青年頭角見焦堯一門袍笏還追李
八葉箕裘正婉蕭發軔早收仙桂籍過家還下采菱橋
榮歸況是江南樂不用臨岐贈柳條

送陳瑞卿之臨清兵備

北來作鎮重才猷齊魯權兼坐上游官職朝廷猶耳目

地形中國是咽喉塞帷尚記來時面借箸應煩席上籌
春入四郊狐兔滅月明還上庾公樓

送張叔亨御史按雲南

平生高義想穹窿京邸年來會面重清論坐中消客氣
威稜行處懾妖蹤江行李來時路楚道音書到日封
烏府深嚴公事少日長誰與坐從容

送李文選唯誠冊封岷府

使節南行振玉珂湘江木落洞庭波漢朝赤土分封遠

楚國菁莪人貢多夢渚草長歸眺望蕪湖家近好經過
却嫌選步仍虛席不得淹留奈爾何

送仲山之任廣東參政

十年送盡南歸人今日誰知還送君歸來寂寂掩關卧
無語目睇南飛雲與君相從亦云久對語真如飲醇酒
朱絃疏越音有餘明水著鹽味多有君才於我真得師
簿書堆裏還題詩詩詞鬱碑古鼎器字法秀勁枯藤枝
嶺南此去無多路目極燕山天盡處青山杳杳不見人

秋雁飛來復飛去政成幾時召還闕相對共月菴前月

我生

我生抱幽憂有癖結中抱當喜常咨咨居常殊悄悄一朝逢至人如夢忽呼覺至言何須煩胸中殊浩浩古今等蘧廬生死一浮泡委順齊寵辱冥懷無醜好得之亦不驚失之曾不悞一身自悠悠此外何足道長揖謝至人聞此苦不早

奉和鮑菴讀白集二首

覓句年來無一長日攜白集嗅餘香一篇自可讀幾過
諸格今仍得未嘗當日秦吟能伏李後來崑體漫稱楊
平生却怪韓員外只識張家奉禮郎

此老生年七十六何曾一日沒詩章風流轉覺堪師我
政事傳聞尚在杭生世莫嫌殊已晚題詩不害稍相方
所嗟得見年差晚旋讀前頭已旋忘

和獨林飯

平生翰苑詩書腹此日野人藜苳腸金谷萍蘼殊可厭

蕪亭麥飯畧相當煎湯未用呼鶯粟貯廩惟堪與鶴糧
若說菜根風味好小園多有不須行

吳人謂轉買為行

匏菴因菜根之句復次前韻和之

齟齬生憎玉蔗漿短蘂真稱腐儒腸若論滋味風皆下
便說酸寒理亦當千里遠陪吳下豉多年何用禹餘糧
康侯去後誰為賞耕織還須問當行

鸚鵡二首

正坐多知巧言語終年羈絃在華堂不如尺鸚藩籬畔

高下枋榆自在翔

我欲開籠縱汝飛隴山雖遠尚堪歸歸時莫更多言語
浪說人間是與非

白髭歎

我年三十九白髭有一莖當時初見之妻子殊為驚今
年四十二白者日益多朝來明鏡中對之不復嗟人生
天地間老去會不免猶勝嚴終輩終身不得見

送白主事輔之還任南京

採菱江上憶曾經
百里人傳聚德星
報政三年還過關
聞詩一月正趨庭
馬家羣從眉多白
豸府中丞髻尚青
他日同朝橋梓並
應煩聖主賜雲屏

送嚴太守永濬知西安

五馬初分竹使符
西安風物尚西都
三秦子弟為編戶
四塞河山入版圖
楚國梓材元自有
周家風化未全蕪
旱災已息流移復
為訪當年鄭白渠

贈畢生昭

同年嘉
會之子

少年落筆便蒼然三禮君家信有傳我覺後生真可畏
子於同輩復誰先一枝仙桂花相付百步垂楊葉慣穿
他日山東看小錄程文還有幾多篇

海月菴觀燈

蓮花深屋賞來曾蔗盃寒漿渴飲冰月好自尋燈作伴
雪寒惟許酒為朋興同老子復不淺年與先生自此升
東壁餘光願終照夜深羸馬慣能乘

送孫廷憲訓導之夏邑

好在孫明復皐比夏邑臨春歸孟渚野雲散碣山陰梁
宋詩書古江淮控帶今睢陽雙廟在為我一追尋

二月雪

一冬天氣暖如春雪到春來見却頻令攷東皇增料峭
凍含西嶽獻嶙峋郊原潤洽晴為雨牕戶虛明夜向晨
三白豐年稱上瑞如何宮柳漫含顰

贈楊君謙

時君謙
有歸志

夙懷抱恂獨行與世多忤京華二十年壯志遂遲暮悠

悠深巷中盡日斷來屢楊子獨何為逝言遠相顧移家
濁溝上破屋終不去人問何以然無乃以我故朝過講
道玄暮過話情素君慕哀貽他我思黃叔度相見各欣
然誰能詰其故我欲永從君君且為我住無為忽去茲
雲山恣高翥蓬蒿張蔚宅依然還塊處

送茹鑾知唐縣

南省曾看驅筆陣中山坐見播風謠萬家赤縣仍為冀
千古青山尚記堯蟬蟋詩中懷舊俗桑麻影裏布新條

國朝循吏今誰是青史無令久寂寥

送張汝勉知祁州

祁州今日為京輔一命還乘太守車
場屋偶然窺制作崑山信矣富璫璵
源流共詫家聲遠綠飾從知吏事餘
若到滹沱煩少駐投文水底弔當初

哭同年劉景元諭德三首

迂癖平生不受鍼兩迂相合作同襟
傷哉賈氏清時淚曠若揚公莫夜心
郢質既亡誰為斲伯牙雖在罷彈琴

高坡門巷西州路短笛斜陽落葉深

落日船頭見素帷夢中昨夜哭君時
交游四海今誰在心事平生我最知
博失鄭僑疑莫問直懷叔向淚空垂
臨終老眼猶能視免得區區諫用尸

壯氣胸中岼不平九原理骨尚崢嶸
抗章未請朱雲劍屬纊仍全子路纓
坐上直言常駭俗暗中清節不求名
奸諛未死君先化史鉞何年地下成

君嘗恨近代史不公欲出已見作一

書名
史鉞

宿樊都尉翠微山莊

攢峯缺處望亭臺石室金堂為客開坐見野雲從地起
卧聞山雨到牕來秋聲颯沓驚濤洶暝色龍從遠壑哀
自笑詩人能好事連宵抱被宿崔嵬

病間偶成

悲風急景窮陰日布帳匡牀卧病身豈謂光陰還屬我
如何造物亦欺人往來禮斷翻為適寵辱心忘不厭貧
聞說伯恭還進學病中真可養心神

紀夢

有苑者樹其石惟磐有二道士對坐儼然而我何為亦
參其坐有一道士顧而貽我非藥非石錯落璀璨或從
取之我食其一覺而甘香我病如失仰睇道士雲山邈
然安得從之終身周旋

讀白集

朝事不預聞人事不復理家事不復關身事不復治脩
然卧榻上乃至無一事長日誰與言太原白居易

懷山

我年四十四鬚髮已見白况復秋冬來疴然抱羸疾強
顏班行中公私有何益既不能隨時又不任陳力獨無
百畝田獨無五畝宅一朝辭祿養何以謀代食欲留諒
不能欲去且未得公私兩乖違轉展復反側行藏去住
間賢者逝不惑若非太阿鋒割斷利名索一朝復一朝
到老終役役古人邈已遠近事堪法式不見毛貞甫四
十挂朝幘

病起

青青園中樹鬱鬱牆根草灼灼籬間花霜前並妍好我行忽抱病兩月迹如掃今日下庭除樹衰草亦槁籬菊云耐寒亦復不自保嗟嗟物皆然人生得無老

哭遜之振之兄三首

吾生終鮮甚尚賴兩三君故國多時別凶音隔歲聞天涯相顧影日暮獨懷羣南望無窮淚青山空白雲

錢送望亭驛樓遲震澤埂迴思如昨日少別遂終天轉

覺人生隘空滋客淚懸小樓風雨夜不忍讀殘篇

少小嬉遊熟中年隔絕多兄今長已矣吾此復如何書
至猶疑信悲來欲嘯歌惟餘寸心在歲晚諒無他

和秉之再到京口有懷別時之作

長江不斷流今古客子重遊感歲時白髮催人來有信
予年四十五始見白髮 青山笑我去無期城邊燈火孤舟夢天末

樓臺遠道思風物依然人不見月明雙雁起前陂

送僧方冊歸善權寺

荆溪東望夢峻嶒欲訪坡翁惜未能今日上人飛錫去
西風誰與攝衣登洞沿玉帶隨仙李泉落銅棺漱古藤
他日三生堂外見山人應訝我來曾

抱子猿

莊周亦有言虎狼仁獨至今觀王孫猿其性復如是胡
為吾人中乃有樂羊輩

長嘯猿

蒼崖洶若崩古樹吹欲折峽江萬里來黑風夏飛雪哀

猿啼一聲行人若為別

過南夫內翰於玉延亭

雨過池面魚應樂
秋入林間鳥不驚
亭上主人何處去
我來門徑覺全生

冢宰三原王公壽詞

勲名金匱得全收
剛度人間八十秋
洛社溫公甘獨樂
江湖范老足先憂
何年更為蒼生起
此日聊從黃石游
杜衍去來多內降
六箴誰與獻宸旒

和周少宰伯常得孫

賀絨雲錦織天孫慶與徐卿異日論眼底詩書先付托
膝前啼笑賴溫存名駒汗血元無價麗水生金信有源
四世五公看盛事于家何必更為門

宜興張氏雙桂堂

曾聞天上桂華孤不似君家有兩株千里燕吳還接葉
一門金玉本連跗陰功信有栽培力學海寧忘灌溉劬
從此邠林誰復羨荆溪金紫有先圩

送李茂卿大理還嘉魚

嗟哉何物名與利奔走海內無窮已紛紛之中誰獨起
嘉魚兩卿伯仲李仲卿見道何太先三十不復舉進士
徒行萬里訪白沙欲挽南溟供洗耳伯卿少貶來京師
三年大理何曾理支頤終日望西山眼近簿書如著昧
有時開口恣雌黃上到周公下朱子瑰詞異論駭傍人
造謗興訛殊未止我生與世百無合門報君來僮僕喜
小齋款語每終日儀部君謙昔參此君謙去矣君尚留

君今復去吾何以家居苦貧仍歲惡往往人家半扉水
午烟未起朝爨清且趁官家五升米謂予不爾弟書來
黃公山下臺成矣從來一士係興衰胡為間此兩兄弟
未論救敗與扶顛激懦廉頑功不細送君極目洞庭波
木落瀟湘風暮起

宜晚軒

旋鉏荒穢彊名園小結茅茨便作軒行處藤枝還自倚
吟餘貝葉亦時翻閒居未擬潘生賦知足先師老氏言

長者有車時見過願聞何處是真源

八月十六夜鮑菴携酒過宜晚軒

新開竹徑貯秋多携酒煩公每見過月出未高公已去
夜深其奈月明何

月夕花朝送酒頻朱周李趙陸徐陳十年亦是湏臾事
對月今宵只二人

贈朱相之分司蕪湖

蕪湖小院駐皇華江上青山正對衙此地知君非久住

庭前石竹為誰花

和楊侍讀介夫得子

生男自好況憐才
杏子生仁菜有臺
阿大喜多猶未老
之無識遍尚云孩
科名十二看重拾
家帙三千取次開
說與眉山諸草木
蘇家秀氣數應回

程李二學士承命教庶吉士

列宿曾聞數應天
詞垣師授選惟賢
玉牕雲霧朝生研
絳闕星河夜動掾
沂上舞雩多樂事
洛中心印有真傳

從來程李東西近桃李新陰在講筵

送吳禹疇之任廣東兼柬仲山

曲江看花三百俱誰其厚者吳與徐
豈惟鄉邦語音合亦似道義心情孚
流光轉盼一十九反覆中間無不有
京師再到是姻家嶺嶠同行作寮友
君才俊發不可當利刀切玉如切肪
聲名朝到暮騰發依然遲爾雙來翔

避暑傅氏山莊次陸學士廉伯韻二首

偶然攜酒作郊行纔出塵中眼校明
歲月幾何新景象

河山百二舊神京
初涼道上行人影
斜日村中打麥聲
一片渴心何處寫
轆轤金井上銀瓶

北來燕趙舊山川
平野蒼茫海色連
客子行遊非素約
野人墟落自成廛
尋涼有馬能知路
弔古無碑可問年
九日忙時閒一日
新詩莫惜被人傳

和莫曰良早朝之作

澹河殘月影層樓
玉樹初驚一葉秋
閭闔洞開天語近
觚稜斜轉日華浮
仕途一任王融笑
清世空懷賈傅憂

誤矣腐儒無寸補終年簪筆傍螭頭

陸鳳到股愈母疾

病居母痛在兒兒生無母生曷為千方百禱總無驗精
誠一點天或知夢非夢覺非覺若有神人默相告由來
母子本一人母如可贖寧百身槃水加刀刀自躍一片
紅綃如玉落遺羹未似潁封人宿痕潛瘕如水沃人言
孝行真難作以禮律之無乃過君不見世間吳起輩紛
紛母病在牀如不聞

送周駙馬祭告孝陵

三日風雷偶示愆駭奔千里屬親賢天心仁愛乃如是
聖德馨香豈此然北固江山龍虎壯南州人物鳳麟先
歸來宣室承清問應為蒼生席屢前

次韻馬少卿經筵紀盛

紫閣黃扉敞肅清曉雞聲裏候天明腐儒挾策趨朝署
天子垂衣坐邇英齋已敢忘程正叔疏家多笑鄭康成
從來端本澄源地淺學無裨愧此生

寄陳一夔

予北上陳自刑曹外
補相值于南旺湖

雲昏月黑雨泔泔不見來船識語音深夜張燈仍喚酒
未明挨柁又分襟浮生聚散鴻留迹過眼功名鐵作心
南旺湖邊分手處懷君回首一高吟

送王懋倫僉事之蜀

懋倫成化末自翰林
外謫今召擢憲僉

君不見唐永貞宋熙寧國權盜弄威恣行扶姦黨穢擯
異已蠻荒瘴徼多公卿又不見唐元和宋元祐天開公
道明如畫海濱淪落皆來歸羣小倉皇侶蛇狄人生行

止豈偶然宵人紛紛空作奸當時只詫鬼謀秘今日那
知天道還送君此語君應笑劍閣峨眉好登眺

天昭御史家藏王明梅畫屢失而得

烟雲過眼真何有每為征東轉覺親劍化延平應有數
珠還合浦亦緣人棘猴技短心良苦寒具年多迹未塵
記取長公菩薩記不煩呵護借靈神

內閣賞芍藥四首

玉殿東頭紫閣陰仙葩香煖五雲深栽培尚荷宣皇力

開落聊觀造化心
香竊受風紅
嫵墮柔條上
雨綠侵尋
謝公詩好難為和
繞砌空階盡日吟

養花天氣半晴陰
紫艷看看逐日深
南國浪夸金作步
廣平曾是鐵為心
芙蓉江上色堪並
桂子月中香莫尋
回首揚州那可到
凭闌休作越人吟

東皇倩汝送將歸
小雨花間密復稀
色映鳳池分曉潤
香薰芸閣擷春菲
金盤露滴九重迥
玉盃風軟一尺圍
不似江南三月見
蕭蕭籬落野人扉

紫泥封後未言歸
半下朱簾晝漏稀
鄭國由來歌芍藥
衛人何用采葑菲
韓詩平開齊似剪霞
添色盛極惟愁月
減圍聞說花時多
勝集閣門向晚尚留扉

沈石田寄太湖圖

遠寄蕭蕭十幅圖
霞明霧暗雨模糊
眼中覺我無雲夢
胸次知君有太湖
溪壑懷人如有待
烟雲入手若為逋
黃金萬樹秋風裏
撥棹西來莫滯濡

弔文山遺墨

錢世恒憲副
家藏被火

柴市悲風畫作陰遺言一字抵千金青泥不化萇弘血
白日還昭豫讓心千古乾坤留突兀六丁雷電下搜尋
貽書好為參元賀免使英雄淚滿襟

贈彭都指揮督饗南還

橫槊臨江氣亦豪風流文彩映戎韜尊前暫借留侯箸
家世曾傳呂氏刀白下看花懷契義湟中積穀仗賢勞
前人名在凌烟閣颯爽猶懷鄂與褒

延詰初就外傳

宛菴西塾也

宮牆數仞豈云低童子何知亦許躋問學不殊山進止
吾伊只在巷東西詩書老去還堪付頭角年來欲漸齊
勝事要留為世講庾郎非是厭家鷄

題手植樹

城南乞得野人栽小壠和雲手自培半尺垂垂今十大
主人猶自未歸來

送表兄葉存仁還洞庭

少小真如同隊魚相逢又見白髭鬚細詢親舊今誰健

聞說田園半已蕪勤儉起家還仗子文章鳴世獨慙吾
何年吳下相從去烟月茫茫渺太湖

送鍾欽禮還會稽

會稽山人其姓鍾丹青之外詩仍工若耶溪上弄雲水
誰將姓氏徹九重文華殿前見天子受釐三日居齋宮
東廂落筆風雨疾指盼屢得迴重瞳重瞳一一分甲乙
御筆親書為第一峯巒慘淡李營丘烟雲滅沒王摩詰
詔令內府賜麟趾又向邊城落戎籍山人拜舞前致詞

草茅何幸逢明時金坡玉瑣天上見惜臣老矣無能為
鑑湖一曲臣所好細草幽花夢中到勅賜烏紗作外臣
白石清泉恣游釣雲浩浩江悠悠山人去矣誰為留人
生雖云故鄉樂大隱金門亦不惡不見東方朔

長安新堤成

新築沙堤鏡面光五更行處月如霜爬沙穩襯青驄軟
繚繞斜依玉署長正喜將軍能了事

李錦衣所築

敢云丞相

獨相當回頭笑指成河處六月霖霖也不妨

往時長安道中霖雨

河多成

經筵次林祭酒韻

國朝經筵之開月三三旬之二是也然孟夏朔有
事太廟次日輒從免弘治十年四月太廟饗罷有
旨改是月之三日至日雨又改四日蓋聖學之勤
不以事而輟也是日鰲輿大司成林亨大同講林
有詩因次韻

從來王所賴居州對越方勤合少休雨脚壞期仍改日

天心納諫信如流
重瞳屢矚情無厭
精義敷陳語不浮
海內人人誇盛事
大書誰合秉春秋

送史進士巽仲歸省溧陽

史溧陽故家出
自漢史丹云

行人猶指故侯廬
喬木森然是漢餘
一見丰容欽閎闊
再驚文彩得璠璣
瀨陽江上應聞笛
顯惠祠前好下車
將子秋來期莫負
西風南望正愁予

忠節祠

吳有雲宜興人洪武初雲南未下上曰卿能為朕


作陸賈乎雲頓首請行卒死之成化中守土官以
聞詔贈尚書諡忠節作廟滇南與王忠文並祀焉
忠節之死事具國史

真人起元運隳滇南由藥鴟張何為武臣請師殄勿遺
皇仁如天兼覆之曰汝雲藥且平汝能與朕為陸生一
使功賢十萬兵滇藥獠圖反噬劫我使臣改椎結使臣
指心向天誓頭可斫臂可斷服不可異中郎旄侍中血
前有忠文後忠節滇南澶漫雙像設千秋萬古廟食不

歌

延詰冠

生男喜見髮毵髦元服雖榮未敢誇道自魯人期一變
冠依周制重三加鳴珂遠近賓皆至綿蕞東西位不斜
願得成人從此始禮行免使外庭譁



震澤集卷三

欽定四庫全書

集部
震澤集卷
五四

詳校官中書_臣瞿_照

中書_臣劉源溥覆勘

總校官進士_臣朱_鈐

校對官學正_臣常_循

謄錄監生_臣王元愷

欽定四庫全書

震澤集卷四

明 王鏊 撰

詩

內閣賞芍藥二首

藥闌正對禁城幽，詔使先春特地修。
便覺恩光生葉底，旋添顏色上枝頭。
僂姿不負持杯賞，勝景還須著句搜。
花下幾人今日醉，日斜欲去更遲留。

張席堦前對鳳池，天香還發去年枝。
春歸禁地偏應早

花到今年分外奇
錦幔不收風力軟
玉盤頻展露華滋
揚州勝事何須說
黃閣今成幾卷詩

贈曹銘

銘吳人其父尚襄陵郡主因家山西

冰崖雪壑想崙嵒
別後時從夢見之
鄴郡清明今尚在
襄陵遺澤亦堪思
主家留客琅玕舊
震器驚人鸞鷟奇
八景分明似吳下

家有八景

南音何必效鍾儀

送王參政還河南

參政有八子其二為翰林庶吉士故家宰李公甥也

山東富才賢
諸王名久擅
詩禮相君家
冰玉天官倩宅

相今有徵珮刀誰所薦八鳳羽毛奇雙珠光彩眩美濟
虞廷元數比周家學聯中甲科名兩入詞垣選秘學付
青箱習書空白練陰功積已多遠近稱殆偏高明用衆
克吏事以文緣花縣春陽仁白簡風霜面治勞力有餘
催科政甘殿至今吳興郡苔雪為君變轉漕再臨燕分
省南還汴依依北扉語草草東城餞去矣那能忘斯文
有深眷

送同年何汝玉知贛州府

瓊林宴罷歲頻更世事悠悠亦可驚黃草峽西哦月上
白蘋洲畔看潮生直言自許能扶國循吏仍知不近名
章貢今朝人盡喜廉泉先已為君清

贈陳御醫公尚

陳之衡傳
自孟氏

暑雨祁寒過我頻感君父子有深仁外家秘訣多傳孟
今日盧醫不在秦樹近廬山唯種德人來燕谷亦生春
吳人自昔誇錢乙豈謂文中本姓陳

送蘇伯誠編修僉江西憲司提學

嚴生久厭承明直楊億成乞外書庭內九臯傷局趣
駕前千里範馳驅潤身豈必文章事妙悟多從點化初
懷桶棟梁他日事長安索米却慙予

贈少傅徐公挽詞

文靖父

德公住襄陽梅福逃吳市往迹久復湮高風在天地徐
公本南州閥閥自前世黃琬器夙成黔婁孝天至三年
詔獄寃萬里儋州淚破浪鯨不奔開山虎旋逝由也能
盡思參乎真養志孝哉閭里稱遠近辭不二推財見薛

包起廢慙鄭吏却曲變周行
奔淪免深濟荆溪隱在漁
把釣本無意山風與海月
灑落見胸次連城蒙在璞
廊廟登主器台斗司具瞻霖
雨望皆慰郊原沐渙汗石獸
瞻翬屬我生若太晚不及仰
光霽宰樹封已勤生芻莫
靡致東望瑞雲山懷人涕空
泗

徐太夫人挽詞

文靖母

自昔勲名地其來豈偶然
天將開爾後地必賴乎前
變理歸元宰丹青憶象賢
封君今不作內則古誰肩
玉潤

光韜璞珠輝朗在淵梅僊隱當市冀缺饁歸田桃李陰
方茂蘋蘩薦孔虔業貧春務早勸讀夜鐙懸豹隱文常
炳鷄鳴戒獨先壁經曾口授奧義有心傳方績朝文伯
遺文泣馬遷國風詩第一曲禮目三千振迅當雲路胚
胎自木天兩朝資亮弼四海入陶甄簞豈須金貽廳惟
可馬旋義田文正在學舍孟家聯內閣流新寵南陽表
舊肝構材存樸斲口澤在栢捲圖像青冥裏佳城罨畫
邊獨山愁寂寂百瀆恨濺濺已覩封如斧誰當筆似椽

他年青史上康子合同編

招姚存道

子閒終不來我病能數往脩然共月菴清約坐成爽一
雨終夜鳴殘暑歸洗盪孤懷苦鬱陶世事多鹵莽當時
隔燕吳晤語成坐想如何咫尺間還復勞企仰小園亦
何有一味涼可賞閒庭風葉鳴虛室雲月朗觴豆非苟
然形聲要重講

送存道

平生鮑叔更何人才喜相逢袂又分詩眼年來常起我
交情歲晚獨懷君禁中伴直難呼孟榜上題名久愧蕢
落木蕭蕭秋萬里江東回首見停雲

送楊應寧副使還秦中

關西夫子今誰是楊億才華少小多欲試盤根聊爾耳
未收梁棟欲如何金鑒殿畔頻年別鐵甕城邊幾日過
已向鄰封期晚歲不須重唱渭城歌

送同年袁德宏還任漢中

使君五馬西南去，棧道縈紆過劍門。
雲起褒斜當露冕，鳥啼子午識文軒。
政成六載書仍最，節制三秦勢孔尊。
多少同年霄漢上，臨邛父老莫攀轅。

送倪尚書之南京

暫攜堂印過江東，冢宰權分位望同。
留守地當分陝重，為官誰在故鄉中。
家傳舊有尚書履，保副新加太子宮。
半世趨朝今少憇，鍾山閒對黑頭公。

送王汝使長沙

李官新許著緋袍仗節東行命豈叨
共月吟盟頻歲冷
長沙歸軸幾時膏萬言書在還思賈
五字詩成好和陶
南北江山歸眺覽周南太史愧如匏

種竹

小軒側畔無多地手種琅玕一兩枝
相對翛然心自足
渭川千頃復何為

和馬少卿見慰獨居之韻

空齋脉脉坐黃昏讀罷韋編自掩門
小憇花陰成獨步

滿庭月色共誰論
老來轉覺塵心遠
夢覺惟知夜氣存
騎馬故人如見過
小奚呼酒尚能溫

偶成二首

獨步園林日幾周
閒花脉脉對人愁
翠禽並立鳴深樹
粉蝶相隨過小樓

掃地園心坐月明
粉牆疎影幾枝橫
何當攜却兒和女
還向桃花樹底行

聞蛩

一聲促織破秋鳴
遠客無端意自驚
憶著年年兒女戲
彫盆相對鬪輸贏

己未歲南歸至德州口占

舟發河西水塞川
敗林枯葉總蕭然
德州楊柳青青在
南北端疑有二天

過西洞庭徐氏

早從胥口望龍從
舟入青溪曲曲通
一片湖山歸手內
萬家煙火隔雲中
范公憂莫關廊廟
楚客音還愛土風

金匱先生集卷四
林屋有田吾欲老豈因一水限西東

飲徐氏新樓

家住西峰第幾坳青山重疊水周遭朝來爽氣歸吟筆
歲暮輕寒著緼袍地勢欲憑湖面闊天闌空訝月輪高
十年塵土京華夢爛醉君家玉色醪

登縹緲峯

仄徑盤空艱復艱快哉七十二孱顏星辰可摘九天上
吳粵平分一水間日轉林梢看鳥背烟橫谷口辨人寰

居然自可小天下誰道吳中無泰山

林屋洞次傅水部韻

隔凡深處禹書存尚有神靈為守門穴底玉泉流作汞
巖前壁月過留痕燕飛尚驗晴為雨龍戰猶疑數在坤
聞說遙遙天漢接胸中雲夢幾須吞

自西山歸東洞庭

西來暝色一帆孤纔見青山忽又無白借天光猶瀕洞
黑添雲氣轉模糊人家遙指諳來舊塵眼頻揩見却初

述作惜無摩詰句五湖烟景若為圖

遊吳城西諸山

天平

春風撩我作山行畫舫西來半日程
怪石插天歌欲墮冷泉和月滴無聲
登臨不盡吳中勝憂樂誰關范老情
晚立龍門最高處始知身世與天平

南峯

石罅中間度板輿南峯來叩故人居

君謙嘗居此

高齋閒閉

松雲外絕棧危分鳥道餘豈謂山僧成泄柳却疑野老
是長沮明朝地主如相問但看芭蕉葉上書

一雲

亂石槎枒幾折旋畏途歷盡是平川高林細點催詩雨
深屋方塘悟道泉僧為知名如舊識地疑曾到豈前緣
萬竿修竹蒼烟外欲借琅玕紀歲年

金山

石徑纔窮忽又通重重臺閣半浮空一林蒼翠瀟湘雨

萬頃青黃穰極風鈴語上方雲氣白詩題壞壁蘚痕紅
未留玉帶空歸去慙愧山僧問長公

登萬壽寺佛閣

吳城第一好山川半醉來登意豁然天際雲開雙塔影
城頭日出萬家烟宋朝故老空遺宅吳下叢林不記年
今日雙鳬同眺望分明身現宰官前

望陽山

青谿欲盡轉逶迤卧對陽山舟自移聞有高人何處在

白雲紅葉影離離

焦山

昔年覽勝金山頂今日焦山試一躋
四望雲峯如此好平生詩句若為題
烟中遠樹長江北天際孤帆落日西
聞道魚龍多窟宅夜船歸去莫燃犀

甘露寺

曾聞甘露前朝寺北固西來體勢成
山湧金銀孤嶼出地蟠吳楚大江橫
帆檣兩岸瓜州渡煙火千家鐵甕城

安得更憑高處望無邊詩思一時生

舊有多景
樓今亡

金山

借得仙人九節藤半酣飛上最高層乾坤納納容人看
歲月悠悠憶我曾潮送夜聲來鐵甕山浮王氣入金陵
凭闌欲待中天月足踏神鼇恐不勝

飲雲龍山放鶴亭

把酒高亭遲日晴青山無限赴彭城地橫西楚英雄氣
水瀉南徐感慨聲燕子樓前春草合虎牢關外暮雲生

不知放鶴人何在遼海茫茫萬里情

飲德州鄭主事分司園亭

綠陰深處著幽亭檐下流泉詰屈經暑雨炎風空作勢

倦途塵思豁然醒蜀中妖鳥何年至

是日始聞杜鵑

吳下征帆

半日停見說雲州烽未熄誰能舉矢射狼星

送徐司空致仕

貫

病來宦海早抽身七里灘頭理釣綸疏鑿蘇湖功獨偉
旬宣齊魯政猶新懸車光已生東粵曳履聲猶繞北辰

贈別都門多感慨廟堂漸減老成人

送王尚書之南京戶部

重瞳回處識顏卿計相元知屬老成
執法久推于定國工詩還許謝宣城
掖門曉色常參語祖道秋風忽餞行
財賦東南今竭矣送君回首不勝情

韓亞卿貫道見示屠家宰諸公倡和之作

零落諸公幾束金紛然抱示愜初心
風流自可懷前輩倥傯何曾得寸陰
餘韻已高那可跂舊盟雖冷尚堪尋

蕭蕭風葉廂房晚索莫空為擁鼻吟

寄蕭給事文明

高榆葉落漢闕秋獨抱經綸老一丘海內至今誇草聖
燕南從此減詩郵瑣闥多䟽懷遺直虎阜扁舟憶舊游
七十七古稀今正健黃花應復插盈頭

庚申長至有事於東陵俛冢宰吳韓兩少宰俱
有詩贈行和之

古木荒城諫議祠舊遊猶認壁間詩河山氣槩宸游後

星月光芒裸獻時
鐙火穿林人散亂
冰霜橫道馬差池
寒郊風物那須問
夜下檐帷信所之

調韓侍郎

韓時舉居
十年餘矣

空齋不用辟寒金
一任浮雲結暝陰
楊東一生三不惑
魯山千古兩同心
風搖徑竹鴻孤夢
雪凍江梅蝶敢尋
海上歸來持節使
黎渦何事動微吟

次韻匏菴謝橘

高林霜落萬星攢
論品先應薦太官
不是詩家評素定

閩南合讓荔枝丹

筠籠輸寫入金槃
錯落珊瑚間木難
本色未除君莫笑
調羹滋味也須酸

匏謂木奴與鴨脚子同至不宜見遺仍次前韻
霜林結子碧攢攢
苞貢何勞也入官
隻眼向人休作白
寸心為主亦應丹

江南鴨脚少登槃
價貴殊方為到難
終與木奴風味別
點茶聊稱腐儒酸

次韻玉汝謝橘

洞庭自是君家果霜落晴洲色漸深
收子未儲千顆玉
封侯寧抵萬株金
不移淮北生意相
餽燕南歲歲心
莫怪野人芹自美
江陵千樹不同林

雪後有懷小適園三首

小圃今何在
鍋腔路已苔
竹摧攬柳徑
石重壓花臺
不見羊羔飲
聊將楮拙煨
擁門三尺雪
乘興有誰來

小圃今何似
還成步步瑶
興如行灞岸
愁似泊楓橋
飢

啁鳥啼柳迷尋鹿覆蕉懸知連日雪小徑沒人腰
小圃今何有猶聞白雪歌未論金作谷聊詫玉為柯問
字人來少窺檐鳥下多雪中吾欲去興盡奈渠何

銅鑪

陶鼎輕明怯遠行竹鑪體製尚彭觥江南新樣今如此
廚下饒童作麼生鼎湧翠濤知火候几消紅雪沸湯鯖
彌明正自多言語好在劉侯莫浪爭

郊祀齋居次韻倪冢宰

幸接天曹玉筍班
南郊裸獻復追攀
清談得奉齋三日
道院平分屋半間
殘雪土膏春意透
夕陽庭樹鳥飛還
玉盤試手青絲菜
又為東風一破顏

慶成宴二首

萬舞歲時遠綴班
天魔十八杳難攀
聲騰夷夏驩呼裏
氣合君臣際會間
袍染鑪烟當宸拜
帽歌墀日戴花還
年來自媿階頻進
坐捧瑤觴却厚顏

瞳矐曙色自東方
玉殿分行坐兩旁
百辟趨蹌同虎拜

九重肅穆儼龍光
卿雲近日偏流彩
積雪先春早應祥
大祀禮成歌既醉
年年正月紀春王

賀李諭德子陽五十得子

一顆名珠入掌中
世間萬事總堪空
啼聲慣試非凡種
瑞氣先占隱若虹
梁灝科名猶可紹
竇家世澤未應窮
莫嫌五十為人父
比似堯夫尚可同

次韻玉汝春寒有感

世事惟將冷眼看
病身藥物不離丸
七年尚及三年艾

一日其如十日寒却老有方須指授覓心無處倩誰安
春來是物爭新巧古井依然不作瀾

海月菴觀鐙

鐙滇南新製也

新樣驚看出洱河九華光彩未云多時開王月春猶淺
會在公家歲獨多雲母障開星亂點天機文斷水微波
九衢車馬人人樂不飲其如此夜何

韓侍郎庭中芍藥盛開

露浥紅香濕未乾綠陰深靜護彫闌頻來未許重門掩

色重誰將碎錦攢翦伐無心還比召

花本周司徒手種

帶圍有

兆亦同韓道人自是忘情者莫作當年侍史看

送馬良佐學士還南京

馬有二子一為驗封主事一為廬江太守

白門柳色罷啼鶯歸擁金蓮院吏驚北地主人供案立
廬江太守傍車行家傳易學無箋註驛遞詩筒有課程
瀟灑玉亭誰復到竹間為認舊題名

孟秋夜陪饗太廟值雨禮成趨出門且閉歸途
水幾沒膝是夜惟予與謝亞卿同之

金門放鑰夜腫朧虎旅當關路僅通雨脚森森祇對越
鎗光閃閃儼歌雍立殊陞楯人誰代出後函關客正窮
他日廟廊端委立泥塗莫忘兩人同

送全卿赴淞江憲副

春城折柳贈南還兩淞由來一水間將母得歸君自喜
見賢不舉我何顏道傍明月投誰顧江上清風去莫扳
此去功名初發軔未須拄笏望西山

中元朝陵值雨已而開霽次倪韓二長官韻

世途難料是陰晴自昔朝陵怯此行

中元日多雨也

山指白浮

惟鳥去寺逢黃土有僧迎豈知平陸江湖在借問輿梁

歲月成

昌平有橋久圯

北望昌平無十里看山猶自未分明

木魚聲裏報新晴睡穩僧房未辦行鐙底夜深愁欲滴
馬頭山色喜先迎三千世界陰霾淨百二神京體勢成
涼月紛紛如白日歸途鐙火若為明

追次三原王公謁陵之韻

居庸百二真形勝只為看山也合來牧地車行平似毯

渡河船動小於杯
斷碑卧雨無人打
小店侵星為客開
涼月昏昏還有意
照人西去照人回

贈郭揮使宏守備永平

北來誰復是長城
作鎮煩君向永平
寄重將門元有種
令嚴刁斗寂無聲
高榆霜落秋臨塞
細柳風微月滿營
莫道汾陽封未復
燕然有石待君銘

匏菴作板屋詩以落之

竹樓頗高寒茆亭復卑
下卑高兩適宜無如板屋者制

樸體執牢費省工力寡雖然立四柱乃不施片瓦無堦
安礪礪有壁謝堊赭方可橫二弓低莫旋足馬石几淺
作臺蒲團小為坐有如卧車廂又似泛船舸深溫最宜
冬與塏仍便夏可以舒簡編可以陳盞斚誰能善丹青
為予備模寫寫示五侯家相校何如也

再次

世從有巢來其變日以下高棟夸連雲瑣瑣何為者西
戎聞有之中古已甚寡既橫木為門復以板代瓦還愁

雨如麻最喜日色赭主人久登瀛門外施行馬不煩十
家產恰受兩人坐制豈傲僧寮材乃取市舸椎結礙彌
明小冠宜子夏名豈虛鐵壚價已踰玉笋每於公暇來
便覺素心寫問誰來最多恐莫如予也

三次

陶潛傲羲皇一卧北牕下豈知負朝暄又若差勝者月
菴豈不佳得日乃較寡南牆有隙地顧安所得瓦客來
傳新樣草木頗遭赭何云不日成其待可倚馬荆墩與

蒲團趁日每此坐問屋何所名頗似六一舸問制何所
師卑宮闈自夏問公何所為席間但塵箏有琴亦不彈
有帖亦不寫不樂亦不憂居常晏如也

次韻板屋二適

負暄

茅檐有冬日可愛乃易落為公獨遲遲憐渠能灼灼退
朝坐蒲團嗒然微南郭時維春冬交正值陰陽搏屋頭
上陽烏籬邊鳴凍雀方知黃綿襖絕勝青綾幙暖入支

體舒嬾任傍人謔及晨卯酒酣正晝蜂衙作玄冥頓無
威陽春真有脚一室不願餘四大殊能著自諳此中趣
經書亦可閣持欲獻吾君未許專此樂

看雪

吾聞老農言一冬見三白來年定有年無煩問諸易寒
日翳翳明暮雪淮淮積時聞灑牕檯兼恐摧屋脊平鋪
瓦溝滿低壓牆簷側纖纖誰所裁逐逐若相逼庭空印
鶴趾裘弊欺狐腋况當板屋看稍若朱簾隔柳弱不勝

扶藤重那能擲旋掃入茶壚復取映書冊緘詩忽何來
凍手呵自拆惟嫌獨醒羊羔誰與適

尹冢宰壽詞二首

天壽還平格名園獨樂中朝廷須冠老啓事憶山公白
日懸名在浮雲過眼空定知青史上人物首山東
飽翫人間世蒼松晚不彫經綸閒國手華岳想風標洛
下耆英會齊東子午橋懷賢仍感德不盡野人謠

顧都憲竹間書屋

淮之水去悠悠君家正住淮水頭宅邊不種凡草木修
竹森森如立玉年深春雨長兒孫遂使長淮比淇澳竹
間有屋小如舟積書之多如鄴侯手開三徑誰許到只
有二仲時從遊我生好竹仍好書何年歸去山中居俯
看書仰看竹家無一錢心亦足

贈戴大賓

大賓閩人年十三
舉鄉試第二人

頭髮毵毵額半過十四尚少十二多鄉書已中異等科
胸中經史誰告詔下筆波濤翻浩浩老儒縮手稱難到

天之所假信已竒便與古人爭先馳慎勿蹉跎若我為
送劉都憲廷式巡撫寧夏

北來烽火達甘泉勃城高氣勢全且喜大夫重授閫
懸知子弟總雄邊漢家舊占河南地魏國猶屯許下田
但使折衝樽俎上竒功何必勒燕然

贈劉司馬時雍

紛紛末路競先馳安石東山起獨遲聲望在人真不偶
功名到手可終辭虛襟且願收羣策億力仍煩治亂絲



金
卷四
中國於今相司馬邊陲得似去年時

送韓亞卿謁陵

短日寒無輝陰雲黯將雪夫君欲何之燕山路超忽至
日詔分官裡祀綴前列亦知非遠行始作三日別三日
豈云多我心如慘戚北風振高岡僕子膚欲裂狐帽紫
貂裘檐肩鳴軋軋薄暮始下車野寺投暫歇村肴與市
沽亦足慰疲繭歸途雪正晴峯巒互明滅瓊林玉樹枝
乃若為詩設山行亦誠勞高興滋逸發到家解行裝贈

我有長札

奉和屠侍郎元勳謁陵

鬱蔥佳氣統諸陵
玉室金堂見始曾
倦足行驚冰棧滑
瘦肩吟對晚山憎
月斜殿角東西磬
星散林間遠近鐙
抱膝何人發長嘯
石門吾欲訪孫登

贈寫真賈誌

短髮今如許
煩君為寫真人言
能似我我對儼如賓
裴令惟嫌陋
僧繇信有神
勲名在何處
還仗畫麒麟

三忠祠

諸葛武侯岳
武穆文丞相

力挽中原志可吞，悲哉星霄渭濱屯。
郾城詔下黃龍遠，燕獄詩成白日昏。
義氣懸知千古合，綱常都仗數公存。
如今混一歸真主，尚慰孤臣地下魂。

和劉司馬失子二首

公退朝房獨掩門，寒燈無燄月昏昏。
手書雖在難重讀，家事從前得細論。
客枕有懷眠少著，老人無淚恨常吞。
漆園傲吏能齊物，妙語聞之洛誦孫。

死生難得似東門淚眼逢春轉覺昏
頓悟要從迷處得
浮生須著夢中論
雪迎熾炭愁方却
月近頑雲勢易吞
羸博有封那復記
庭前苦竹已生孫

壬戌九月

季秋甫強半霜降
纔應律頑陰十日
間陡覺寒慘慄填
然忽驚雷百蟲破
新蟄雷聲甫爾收
雪勢陡然急霏微
曉方晴浙瀝暮仍
密吾聞陰陽交寒
暑不相入如何冬
夏令并在秋之日
得非人事乖無乃
化工忒巫咸去已

遠那辨凶與吉

秋日齋居值雨已而大雪呈韓亞卿二首

玄冥斂秋令窮陰黯如積廂房三日齋正值霖霖迫誰
將千萬愁化作日夜滴晨厨無炊烟晝枕多警席簷花
添霏微庭草恣狼籍亦知官曹尊咫尺千里隔仍聞窮
檐下無復四壁立人事豈偶然天意亦難識惟應佇高
談庶用破愁寂

愁霖何當晴怪雪忽已積狂飛九月晦無乃太急迫寧

當大庭賀終作虛簷滴不知堆為鹽但未大於席為祥
或為災眾口紛籍籍已聞半月前何論一日隔愁吟欲
附火塊坐惟面壁得無袁安僵除是張華識飽食亦已
多敢恨齋房寂

韓見和復次韻

官曹苦鮮悰簿領紛然積不有同心人窘然坐拘迫冷
泠朱絲弦韻寫秋泉滴早朝行連裾暮衙語對席新詩
每見投古淡似張籍推誠兩相予心肺無間隔君如千

大松獨立萬仞壁而我獨何為一旦為舊識尚有少堪

疑揚雄太岑寂

韓時
鰥居

次韻王汝五老會

三三兩兩坐成行忘却燕南是異鄉
福德正臨吳分野風流殊異晉高陽
丹心舊許同憂國清話時聞一哄堂
儼若廬山山上見不才深媿接餘芳

送沈世隆

沈度沈粲以工書永樂中官至學士孝宗特愛

度書宮中嘗習焉問度亦有後乎物色得世隆授
中書舍人

文思殿上奎章麗尚愛先朝舊草麻世俗總傳元祐脚
詔書親訪隱侯家魏公老去猶傳笏先朝賜笏尚存石慶歸來
少駐車起草明光人所羨鳳池三世一行斜

癸亥歲二月八日看牲是歲看牲凡三

元戎小隊夜分曹漠漠輕寒上繡袍十里火城人散亂
一天風月鬢蕭蕭琳宮轉覺行來熟繭栗如從看後高

中使留門更漏滴我行雖數敢辭勞

遊功德寺

河畔南轅忽改西人家兩兩傍山低
雲歸遠岫昏初斂春入平原綠未齊
鐘動招提迎老衲紙飛荒塚哭孤嫠
憑誰乞與龍亭水化作東郊雨一犁

香山

百二河山勢自西芙蓉朶朶挿天齊
九重日上黃金闕十里人行白玉堤
政改遼金元殆盡氣凌韓趙魏皆低

要當盡覽全燕勝絕頂同君一一躋

登毘盧閣

在京城西

忙身抽得且閒遊天上回瞻十二樓
百戰昔悲燕趙地
萬年今作帝王州
天花散漫金光爛
野樹蒼茫水墨稠
指點雲間吳會近
扁舟湖上幾時浮

贈郭孟丘

其先曾遇異人留藥方于牡丹花上自來時賜姓趙至今家傳秘方

牡丹花上數行書
乞與刀圭病便除
始信神仙方有異
却嫌和緩術猶疎
汾陽自合流芳遠
天水仍聞賜姓餘

自粵到吳三百里瓊瑤難報欲何如

橘荒歎

我行洞庭野萬木皆歲隳就中柑與橘立死無孑遺借
問何以然野老為予說前年與今年山中天大雪自冬
徂新春冰凍太湖徹洞庭苦無田種橘充田租霜餘樹
樹金寄此萬木奴悠悠彼蒼天三白望為瑞如何為橘
災斬伐如劍利釘鉅索竄筵貢篚缺王事曾聞后皇樹
不過淮之郊他處豈獨無洞庭號珍苞衢州徒菌蠢湘

潭亦寥梢地氣信有偏天災曷仍遭物貴固難成難成
復易槁遂令洞庭人為計恨不早從今原隰間只種桑
與棗

次韻秉之詠走馬燈

夜深銀燭晃屏帷鐵騎森森儼欲飛
勇若昆陽當大敵疾如垓下潰
重圍達觀一笑真兒戲
默運誰能識氣機
安得兒曹三百萬陰山直
唱凱歌歸

次韻秉之蓮花燈

炯然暗室有光輝
綠水荷花一尺圍
晴日破山晨欲上
落霞映渚暝將歸
舟浮太乙來蓬島
炬賜仙郎入瑣闥
憶向慶成筵上見
珠簾玉鎮世應稀

與秉之登郡城樓

城上高樓偶共過
吳王國裏舊山河
一春風雨行遊少
千古興亡感慨多
遠近人家烟欲暝
東西樹影水微波
滄浪一曲人歸去
落日牛羊上淺坡

碧桃花

天天嫩葉麗春輝
道是梅花却又非
香露乍勻紅玉臉
輕雲新染素羅衣
日斜盆底開何晚
風動枝頭落漸稀
再到劉郎應未識
紅塵紫陌思依依

和秉之得子

庭前騎竹便為羊
左右戕戕我會奉
璋浩蕩春波先有兆
鬱葱佳氣豈無祥
八簫事業還追禹
五鳳文章早賦梁
我有佩刀先解贈
青雲他日看參翔

遊太湖

茫然不省是人間却有人家住近灣一處便須終日坐
百年能得幾時閒將開復合雨餘雨乍有忽無山外山
安得扁舟如范蠡徧尋七十二孱顏

贈橫山人王清

與子同家湖上山烟波浩渺東西間長江萬里每獨往
落日孤雲時共還澧蘭折得須我遺湘竹種成誰與刪
不須更作招隱賦石上桂樹叢生斑

洞庭新居成

歸來築室洞庭原十二峯巒正繞門五畝漸成投老計
三台誰信野人言郊原便自為鄰里水木猶知向本源
莫笑吾廬吾自愛簷間燕雀日喧喧

和秉之塘橋郊居自適之韻

山人本自愛山居南望家山咫尺如香玉滿塲收晚稻
銀絲繞筯薦溪魚水東父老還為主城裏交親好寄書
適意且潛潛且起人生何必問其餘

蘭竹石

卷石兮崱崱幽蘭兮猗猗新篁兮叢生同心兮不違彼
三君子兮逝言相好歲寒相依兮永以終老嗟彼棘薪
亦生其間爾獨何為爾將曷依

對山

晨光破暝入簷間雀乳鳩鳴意自閒曉睡起來無一事
捲簾獨坐對青山

綠陰庭院鳥間間墮絮游絲意自閒午睡覺來無一事
捲簾獨坐對青山

蒼茫暝色遠林間
倦鳥歸雲意自閒
晚酌罷來無一事
捲簾獨坐對青山

倪同知加冠服致仕

行春露冕未須奇
章服還加去郡時
漢吏不求名赫赫
閩山猶怪去遲遲
十年佐政心如水
七縣生靈口似碑
我欲留君猶未得
江邊父老亦奚為

孝宗皇帝輓章二首

寬仁延二紀
兵甲偃三垂
問膳長秋數
求衣昧爽遲
懋

昭湯不邇端拱舜無為莫繪乾坤象誰為太史辭

宮車仍蹕路陵寢却因山天意悲風慘皇圖化日閒聖
神三代上禮樂百年間北望飛龍遠髯弓動莫攀

鳳雛行贈毛錫朋

鳳兮鳳兮何覩之艱一出於虞廷再鳴於岐山邇來三
四千年間寂寥兮不聞不見徒聞凡鳥聲間間梧桐兮
萋萋竹實兮離離遲爾之來兮覽德輝而下之一鳴兮
使我朝廷清法度貞三台明潤無撓槍再鳴兮使我四

海平禮俗成百蠻朝貢無甲兵鳥中之鳳人中豪河東
之薛隆中龐謝家池上名俱高毛翁之鳴當雲霄有雛
丹穴丈九苞龍文燕領誰可曹毛生毛生真鳳毛一鳴
兮再鳴兮吾將側耳聽爾於明盛之朝

震澤集卷四